




Te Tari Taiwhenua
Internal Affairs

Te Kāwanatanga o Aotearoa
New Zealand Government

Tuutiitia Lamatiaga o Masini Faitupe Faamaumauga mo Faatalatalanoaga Lautele Aotelega



E fia iloa e le Malo sou manatu i auala e te manatu e mafai ai ona tatou faia se faiga e sili atu ona saogalemu mo tagata e faaaogā masini faitupe mo taaloga eseese tau tupe.

E iai la matou faamoemoe e faia ni suiga i tulafono faatonutonu (tulafono) e faaaofia ai auala e foia ma tuuitiitia ai lamatiaga i le faaaogāina o masini mo taaloga eseese tau tupe i totonu o falekalapu, papu ma lālā a le TAB NZ.

O le ā le faafitauli?



O taaloga eseese tau tupe e fai i masini faitupe o se tasi o faapogai o lamatiaga mo nisi o tagata – tulaga tau tupe, agafesootai ma isi faiga. O tulafono faatonutonu o lo o iai i le taimi nei e mafai ona sili atu le aogā e puipuia ai ma tuuitiitia ai lamatiaga nei. I tausaga ua mavae na aliae mai ai nisi o tulaga ua misi faapea ai ma le lē manino lelei o nisi o tulafono faatonutonu.

Mo se faataitaiga, e lē o faamaoti lelei faailoga o lamatiaga sa tatau ona faamauina e fesoasoani e maitauina ai se tagata ua amata ona afaina i taaloga eseese tau tupe. E lē o tutusa aoaoga o faia mo le aufaigaluega o vaavaaia taaloga eseese tau tupe. E lē o iai foi ni faasalaga o fai pe afai ua solia tulafono.

O lona uiga e iai nisi o tagata ua feagai ma lamatiaga sa mafai ona foia.

O le ā se manatu o le Malo i nei tulaga uma?



Ua manatu le Malo o lo o iai avanoa e mafai ai ona faamalosia tulafono i faiga o lo o faafoeina ai masini faitupe. Mo se faataitaiga, e mafai ona faatusatusa tulafono i le faafoeina e se tasi o taaloga faitupe ma tulafono mo le faafoeina e se tasi o faatauina atu le ava malosia.

E iai metotia po o auala e taulima ai le saogalemu o taaloga eseese tau tupe e ala i le faatapulaa o vaega e mafua ai ona avea ma tuinanauga ua lē tapasāina ma le/po o le faatapulaa o le taimi ma tupe e faaalu i masini faitupe. O nisi o faataitaiga e aofia ai: o le mua'i faamaoti po o le faatapulaa o se vaega tupe po o le taimi e faaalu i taaloga eseese tau tupe ma faamalosia le faia o mālōlōga pe a taalo.

E mautinoa e lē mafai e se auala e tasi ona malosia ma aogā lelei. A e aveina se taavale, e tatau ona fai lou fusipau, fai se warrant of fitness, ma ia aveina i le saoasaoa faatapulaaina mo le tausisia o lou saogalemu. E faapena foi se manatu i metotia e tausisia ai lou saogalemu pe a faaaogā masini faitupe.





E iai tulaga ua manatu ai le Malo e mafai ona fesoasoani e tuuitiitia ai lamatiaga mai le faaaogāina o masini faitupe i totonu o papu, falekalapu ma lālā a le TAB, e ala i le suia o mea o lo o moomia ua faaofia i totonu o tulafono faatonutonu e tuuitiitia ai lamatiaga. O le faamoemoe lena o le faatalatalanoaga lena e saili ai sou manatu i tulaga nei. Matou te fia iloa foi nisi manatu o lo o e silafia. E tolu vaega autu o lo o taulai i ai manatu.

1. Tuuitiitia lamatiaga o masini faitupe i totonu o nofoaga ua faatulaga ai

E manatu le Malo e mafai ona faaleleia atili auala e maitauina ma foia ai lamatiaga o taaloga eseese tau tupe. Ua faailoa mai faamaumauga e seāseā ona talanoa atu le afaigaluega i papu po o falekalapu i tagata e tusa ai o le aofai o tupe o lo o latou faaalu e taaalo ai i masini faitupe. E ono moomia le matuai faamanino lelei o le alafua o le a faia ina ia faafaigofie ai mo le afaigaluega o lo o vaavaaia masini faitupe i papu ma falekalapu ona latou maitauina faailoilo o ni lamatiaga ma tali atu i ai.

O fesili autu nei:

- O ā metotia e ono fesoasoani i le afaigaluega ona faailoa ma iloa ai galuega e faatino pe a vaia tulaga e lamatia ai se sui e masani o taalo i taaloga eseese tau tupe?
- E faapefea ona faaleleia faamaumauga e mata'itu ma iloa ai uiga e lamatia ai i taaloga eseese tau tupe?
- E faapefea ona faaleleia ma siitia aoaoga mo le afaigaluega o lo o vaavaaia masini faitupe?
- E faapefea ona faaaogā i se auala sili atu ona lelei faiga e faaesea pe faaesea ai e le tagata o ia lava?

2. Tuuitiitia lamatiaga i masini faitupe

E tatau i masini faitupe ona faaali mai ai nisi o faamatalaga ma ata, e pei o avanoa e mafai ai ona malo i se taaloga po o le umi o le taimi talu ona taalo faitupe se tasi. O moli, o leo ma 'free spins' e mafai ona aafia ai le umi e taaalo ai tagata i taaloga faitupe ma le tele o le tupe e fai ai a latou petipetiga i taaloga taitasi. E iai atugaluga o jackpots e atili ai le faaosofia o taaloga faitupe e afaina ai. E ono fesoasoani le faatonutonu faatulafonoina o faiga nei e foia ma tuuitiitia ai lamatiaga o taaloga eseese tau tupe.

O fesili autu nei:

- Faamata e ono mafai e suiga i faiga e faaaogā ai masini faitupe ona tuuitiitia ai lamatiaga o taaloga faitupe? O ā suiga o le a sili ona aogā?
- O ā suiga e ono faia e foia ai lamatiaga mai jackpots?

3. O le tuuitiitia o lamatiaga o masini faitupe e auala atu i le faamallosia o le usitaia o tulafono (faasalaga ma le faamallosia)

I le taimi nei, e na o se vaega itiiti o solitulafono o ta'ua i le Gambling Act mo le solia o tulaga moomia e tuuitiitia ai lamatiaga.

E iai le avanoa e faia ai salatupe fou mo le solia o tulafono e tagata o faafoeina taaloga faapenei.

- O ā salatupe mo le solia o tulafono ma faasalaga o le a faia e mafai ona lagolagoina tulafono faatonutonu fou ma tulafono faatonutonu o lo o faia i le taimi nei?
- O ā mea e tatau i taitai o nofoaga / tagata o faafoeina nofoaga / sosaiete ona tali atu i ai?



Lautelega o le poloketi lenei

O le auga tonu o le faatalatalanoaga lenei o le faia o suiga i tulafono faatonutonu o iai i le taimi nei o lo o faaofia ai auala e foia ma tuuititia ai lamatiaga i le faaogāina o masini faitupe i totonu o falekalapu, papu ma lālā o le TAB NZ. O lo o iai se manatu i le Malo e fai muamua suiga i tulafono faatonutonu nei, a o lei silasila pe moomia ona faia nisi suiga e faalauaitele ai le tulafono o taaloga faitupe.

O le a faapefea ona faaogā au talosaga na tuuina mai?

O le a aogā ou manatu matou te fafau ai ni filifiliga mo le suiga o le taiala faavae. O le a iloiloina e le Malo talosaga uma na tuuina mai e ala i le faagasologa lenei. A mae'a le laasaga lea, e ono saunia ni tulafono faatonutonu fou mo masini faitupe.

Faamata matou te faasalalauina lau talosaga?

E masani ona faasalalauina talosaga uma i le upegatafailagi a le Department of Internal Affairs. E ono noatia foi talosaga e tuuina mai i se talosaga e faia i lalo o le Official Information Act 1982.

Afai o aofia mai i lau talosaga faamatalaga patino po o faamatalaga ma'ale'ale faapisinisi e te lē o manao e faasalalau, faamolemole faailoa le tulaga lea i lau talosaga. Faamolemole tagai i le itulau 30 o le faamaumauga o le faatalatalanoaga atoa mo nisi faamatalaga.

E te fia maua nisi faamatalaga auiliili i mataupu ma filifiliga?

E te maua le faamaumauga o le faatalatalanoaga atoa i luga o le initaneti: dia.govt.nz/reducingpokiesharm

E mafai foi ona e talosaga mo se kopi faalaupepa pe a talosagaina matou i le telefoni vili fua i le 0800 25 78 78 (na o Niu Sila) ma e talosaga e te fia talanoa i le Gambling Policy Team (na o le 9am – 5pm).

Tagai i le matou upegatafailagi

www.dia.govt.nz/Gambling

Tuuina mai lau talosaga

Gambling Policy Team
Department of Internal Affairs
PO Box 805
Wellington 6140

Aso e tapunia ai le tuuina mai o talosaga: 28 Aperila 2022

